

Surat khabar: Utusan Sarawak (Tempatan)

Hari/Tarikh: 2/8/2017

Muka surat: 5

Tajuk : Kerjasama UNIMAS dengan pihak industri mula berhasil

Kerjasama UNIMAS dengan pihak industri mula berhasil

KOTA SAMARAHAN: Satu Majlis Menandatangani Memorandum Perjanjian di antara UNIMAS Holdings Sdn. Bhd., Asiamet (M) Sdn. Bhd. dan Universiti Malaysia Sarawak (UNIMAS) telah diadakan di Rumah Universiti, UNIMAS.

Memorandum perjanjian tersebut diadakan sebagai tanda persetujuan penubuhan Pusat Pembelajaran UNIMAS Kota Bharu dengan kerjasama daripada Kolej Asia Metropolitan cawangan Kota Bharu, Kelantan.

Pusat Pembelajaran tersebut akan menawarkan pel-



bagai program akademik yang sedang ditawarkan di kampus utama UNIMAS seperti Sarjana Korporat Pentadbiran Pengajian Perniagaan, Sarjana Sains Pembangunan Sumber Manusia dan juga kursus-kursus jangka

pendek.

UNIMAS juga bercadang untuk menawarkan program sarjana muda di Pusat Pembelajaran di masa hadapan.

Dalam majlis yang sama turut diadakan Penganugerahan Sijil Train the Trainer ProCEL Siri 1 dan 2 yang pertama kalinya dianjurkan oleh pihak UNIMAS.

Program tersebut merupakan hasil kerjasama di antara UNIMAS Business School dengan JAF Prima Jaya Sdn. Bhd dan GEM Consultancy Sdn. Bhd. selaku pemberi latihan.

Program Train the Trainer

adalah terbuka kepada pensyarah yang ingin mendapat pengiktirafan sebagai penceramah/ pemberi latihan/ fasilitator yang diperakui oleh Pembangunan Sumber Manusia Sdn. Bhd. (PSMB).

Antara tetamu yang turut dijemput untuk majlis tersebut adalah Naib Canselor Universiti Malaysia Sarawak, Prof Dato Mohamad Kadim Suaidi, Pengarah Eksekutif Asiamet (M) Sdn. Bhd Subramaniam a/l Amamalay, para dekan serta timbalan dekan, rakan strategik UNIMAS, wakil industri, dan kakitangan UNIMAS.



KERJASAMA ... Majlis menandatangani Memorandum Perjanjian di antara UNIMAS Holdings Sdn Bhd, Asiamet (M) Sdn Bhd dan Universiti Malaysia Sarawak (UNIMAS) petang tadi di Rumah Universiti, UNIMAS.

